



16.06.2019.godine

## ČESTITKA – 16.JUNI DAN OPĆINE KONJIC

**Drage sugrađanke i sugrađani,**

Čini nam posebnu čast i zadovoljstvo da vam u ime svojih saradnika i svoje lično ime uputimo čestitke u povodu 16.juna – Dana općine Konjic.

Na današnji dan, kada obilježavamo 637.godina od prvog spomena naseljenog mjesta pod imenom Konjic, osjećamo da našem gradu možemo poželjeti sretan rođendan sa puno lijepih projekata koje smo završili ili su u fazi završetka i dogodili su se između dva 16.juna.

I ove kao i prethodnih godina činimo sve da Općina Konjic dočeka svoj rođendan u što ljepšem i svečanijem ruhu kako to i zaslužuje.

Općinsko Vijeće i Općinski Načelnik zajedno sa svojim saradnicima nastojali su da učine maksimum kako bi našoj Općini osigurali napredak i prosperitet u mnogim sferama života pa je svaki realizirani projekat velik i značajan za sve nas građane Općine Konjic.

Konjic svakim danom postaje sve atraktivniji i privlačniji i u poređenju sa drugim općinama koje su slične našoj nećemo biti ni malo prepotentni i samoljublivi ako kažemo, da su u našem gradu pozitivni pomaci očitii. Raduje nas kada nam kažu da Konjic doživljava preporod zadnjih godina, od izgradnje objekata pa sve do razvoja privrede, industrije, aktivnog kulturnog i sportskog života.

Sve što se uradi je vidljivo, opipljivo, a u svrhu kvalitetnijeg i ljepšeg života prvenstveno naših sugrađana, a svakako i svih dobronamjernih ljudi koji odluče svratiti i zadržati se u našem gradu.

Ne želimo reći da smo u potpunosti zadovoljni, pogotovo u momentu kada smo započeli i isplanirali još mnogo toga što treba privesti kraju i što će po svom završetku i grad i općinu svrstati u red onih što prate trendove.

Sve navedeno ćemo postići jedino ako svi budemo angažirani maksimalno u svakom segmentu života: obrazovanju, gradnji, kulturi i maksimalnim angažmanom u poslu koji obavljamo.

U to ime još jednom svim stanovnicima Općine Konjic upućujemo čestitke u povodu Dana općine Konjic uz želju da zajedničkim snagama izgradimo bolji i ljepši Konjic, i da našoj Općini ostanemo vjerni pratioci u budućem uspjehu.

**PREDSJEDNIK OV**

**Ibro Halilović**



**NAČELNIK OPĆINE**

**Emir Bubalo, dipl.ecc**

